

“МУСТАҚ ИЛЛИК ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ НАВБАТДАН ТАШҚАРИ УМУМИЙ ЙИГИЛИШИ БАЁННОМАСИ

Тошкент вилояти, Қуйи чирчиқ тумани,
Фуркат кўчаси. 28-уй

2019 йил 12 июн

Умумий йиғилишнинг ўтиш жойи: Тошкент вилояти, Қуйи чирчиқ тумани, Фуркат кўчаси, 1-уйда жойлашган “Мустақиллик пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: 10⁰⁰

Акциядорларни рўйхатдан ўтказиш тугаган вақт: 10⁵⁵

Акциядорлар умумий йиғилиш бошланган вақт: 11⁰⁰

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 1 006 560 дона.

“Мустақиллик пахта тозалаш” АЖ акциядорларининг навбатдан ташқари умумий йиғилиши кузатув кенгаши томонидан 2019 йил 23 майда қабул қилинган қарорга мувофиқ ўтказилмоқда.

Йиғилишда иштирок этиш ҳуқуқига эга акциядорлар реестри тузилган сана - 2019 йил 4 июн.

Жамият кузатув кенгашининг 2019 йил 23 майда ўтказилган йиғилишида акциядорларнинг навбатдан ташқари умумий йиғилишида қатнашиш ваколоти жамият кузатув кенгаши аъзоси М.Тилляходжаевга берилганлиги муносабати билан М.Тилляходжаев йиғилиш раёсатини ва котибини сайлаш бўйича таклиф берди.

Акциядорлар томонидан очиқ овоз бериш йўли билан бир овоздан йиғилиш раёсатига қуйидагилар сайланди:

1. М.Қаюмов – “Тошкентпахтасаноат” ХАБ АЖ бошқарув раиси вазифасини вақтинча бажарувчи-Йиғилишда раислик қилувчи;

2. М.Тилляходжаев – жамият кузатув кенгаши аъзоси;

3. Ў.Мамбетова – жамият акциядори.

Йиғилиш котиби этиб Б.Акбаров – жамиятнинг акциядорлар билан корпоратив муносабатлар бўлими бошлиғи сайланди.

Йиғилишни, йиғилишда раислик қилувчи М.Қаюмов очиб берди ва акциядорлар ҳамда йиғилиш қатнашчиларини қутлаб, йиғилиш қворуми бўйича ахборот бериш учун сўзни санок комиссияси аъзоси М.Мамбетовга берди.

Санок комиссияси ахбороти:

Қимматли қағозлар Марказий Депозитарийси томонидан 2019 йил 7 июн ҳолатига шакллантирилган “Мустақиллик пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 437 та акциядорга тегишли 1 006 560 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 975 869 дона овоз берувчи акцияларга эга бўлган 3 та акциядор (унинг вакили) рўйхатдан ўтди. Бу эса умумий овоз берувчи акцияларнинг 96,94 % ни ташкил этади ва йиғилиш ваколатли (қворумга эга) ҳисобланади.

Йиғилишга таклиф этилганлар:

Ф.Артукметов - “Мустақиллик пахта тозалаш” АЖ Бош директори;

З.Алимбетов – жамиятнинг молиявий масалалар бўйича директори.

Йиғилишда раислик қилувчи М.Қаюмов йиғилиш кун тартибини эълон қилди.

КУН ТАРТИБИ:

1. Санок комиссияси аъзолари сони ва шахсий таркибини тасдиқлаш.
2. Акциядорларнинг навбатдан ташқари умумий йиғилишининг регламентини тасдиқлаш.
3. Ўзбекистон Республикаси Вазирлар Маҳкамасининг “Тошкент вилоятининг Қуйи Чирчиқ туманида замонавий агросаноат кластерини ташкил этиш чоратадбирлари тўғрисида” 2018 йил 1 декабрдаги 974-сон қарори ижроси.

Кун тартиби эълон қилинганидан сўнг, муҳокамага ўтилди.

Кун тартибидagi биринчи масала бўйича йиғилишда раислик қилувчи М.Қаюмов сўзга чиқиб, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2019 йил 23 майдаги йиғилиш қарорига кўра санок комиссияси таркибига жамиятнинг акциядорлар билан корпоратив муносабатлар бўлими бошлиғи – Б.Акбаров Жамиятнинг молия масалалари бўйича директори - бош ҳисобчиси ўринбосари Н.Ҳакимова ҳамда ишлаб чиқариш ҳисобчиси М.Мамбетов номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“Ёқлаганлар” – 975 869 та овоз; “Қаршилар”- йўқ; “Бетарафлар” - йўқ. Нотўғри тўлдирилган бюллетенлар йўқ.

Кун тартибидagi биринчи масала бўйича акциядорларнинг навбатдан ташқари умумий йиғилиши қарор қилади:

1. Уч кишидан иборат куйидаги таркибда санок комиссияси тасдиқлансин:

1) Б.Акбаров; 2) Н.Ҳакимова; 3) М.Мамбетов.

Кун тартибидagi иккинчи масала бўйича йиғилишда раислик қилувчи М.Қаюмов сўзга чиқиб, йиғилиш регламентини йиғилиш қатнашчиларига ўқиб эшиттирди.

Мазкур йиғилиш кун тартибида 3 та масала кўрсатилганлигини ва ҳар бир масала бўйича маърузачига - 5 (беш) дақиқадан, муҳокама учун - 5 (беш) дақиқагача вақт ажратилиши мақсадга мувофиқ эканлигини айтиб, жамият акциядорларидан акциядорларнинг йиллик умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 975 869 та овоз; “Қаршилар”- йўқ; “Бетарафлар”- йўқ. Нотўғри тўлдирилган бюллетенлар йўқ.

Кун тартибидаги иккинчи масала бўйича акциядорларнинг навбатдан ташқари умумий йиғилиши қарор қилади:

1. Жамият акциядорларининг навбатдан ташқари умумий йиғилишининг регламенти иловага мувофиқ тасдиқлансин.

Кун тартибидаги учинчи масала бўйича - Йиғилиш раиси М.Қаюмов ўз сўзини давом эттириб, Вазирлар Маҳкамасининг “Тошкент вилоятининг Қуйи Чирчиқ туманида замонавий агросаноат кластерини ташкил этиш чора-тадбирлари тўғрисида” 2018 йил 1 декабрдаги 974-сон қарорининг маъзун моҳиятини ўқиб эшиттирди. Қарорнинг 1-бандига кўра “ТСТ cluster” МЧЖни ташкил қилиш ва унинг таркибига 1-иловага мувофиқ рўйхат бўйича агросаноат корхоналарини киритиш тўғрисидаги таклифлари киритилган ҳамда 10-бандига кўра “Мустақиллик пахта тозалаш” АЖнинг бино ва иншоотлари ҳамда унинг пахта тайёрлаш пунктларини 5 йил муддатда бўлиб-бўлиб тўлаш шарти билан баҳолаш қийматида сотиш белгилаб қўйилган.

Бугунги кунда, “Мустақиллик пахта тозалаш” акциядорлик жамиятининг буюртмасига асосан жамиятнинг барча мол-мулкларини баҳолаш учун махсус лицензияга эга бўлган “БАХОЛАШ ВА КОНСАЛТИНГ МАРКАЗИ” МЧЖ баҳоловчи ташкилоти билан шартнома тузилди. “БАХОЛАШ ВА КОНСАЛТИНГ МАРКАЗИ” МЧЖ томонидан “Мустақиллик пахта тозалаш” АЖ, “Беруний”, “Кетмон тепа” ва “Дўстобод” пахта таёрлов масканларининг барча мол-мулклари баҳоланиб бино ва иншоотлари 17 150 567 410 сўм, асосий воситалари ва товар моддий бойликлари 10 941 193 370 сўм жами 28 091 760 780 сўмни ташкил этди.

Баҳолаш ҳисоботини ҳаққонийлиги “KONSERVIS” МЧЖ баҳоловчи ташкилоти томонидан экспертизадан ўтказилиб, баҳоловчининг ҳисоботида фарқ аниқланмаган. Вазирлар Маҳкамасининг “Тошкент вилоятининг Қуйи Чирчиқ туманида замонавий агросаноат кластерини ташкил этиш чора-тадбирлари тўғрисида” 2018 йил 1 декабрдаги 974-сон қарорининг 10-бандига кўра “Мустақиллик пахта тозалаш” АЖ, “Беруний”, “Кетмон тепа”, “Дўстобод” ва пахта таёрлов масканларини “ТСТ cluster” МЧЖ қўшма корхонаси томонидан сотиб олиниши белгиланганлиги сабабли, жамият ижро органи томонидан 02-013/158-сон алоқа хати билан “ТСТ cluster” МЧЖ қўшма корхонасига баҳоланган (28 091 760 780 сўм) нархда тўловларни 5 йил давомида (ҳар йили 20 фоиздан) амалга ошириш шарти асосида мулкрий-мажмуа кўринишида сотиб олишни билдириб мурожаат қилинганлиги тўғрисидаги хатини ўқиб эшиттирди.

Шундан сўнг, йиғилишда иштирок этаётган акциядор Ў.Мамбетова сўзга чиқиб, жамият мол-мулкни мулкрий мажмуа сифатида сотиб оладиган инвестор томонидан тўланадиган пул маблағлари 5 йил муддат билан тўлаб берилишини инобатга олиб, инфляция даражаси кескин ошиб кетиши содир бўлганда инфляция даражасини ҳисобга олиб инвестордан тўлаб берилишини талаб қилиш ва мулкрий-мажмуа сифатида сотиладиган бино ва иншоотларни ва асосий воситаларни сотиш тўғрисида тузиладиган шартноманинг тегишли бандига кўзда тутиш лозимлиги тўғрисида ўз таклифини берди.

Йиғилишда раислик қилувчи М.Қаюмов акциядорлардан мазкур масала юзасидан ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 975 869 та овоз; “Қаршилар”- йўқ; “Бетарафлар”- йўқ. Нотўғри тўлдирилган бюллетенлар йўқ.

Кун тартибидаги учинчи масала бўйича акциядорларнинг навбатдан ташқари умумий йиғилиши қарор қилади:

1. Вазирлар Маҳкамасининг “Тошкент вилоятининг Қуйи Чирчиқ туманида замонавий агросаноат кластерини ташкил этиш чора-тадбирлари тўғрисида” 2018 йил 1 декабрдаги 974-сон қарори маълумот ва ижро учун қабул қилинсин

2. “Мустақиллик пахта тозалаш” АЖ, “Беруний”, “Кетмон тепа”, “Дўстобод” пахта таёрлов масканларининг бино-иншоотлари ва асосий воситалари 28 091 760 780 сўмга тўғридан-тўғри шартнома тузиш йўли орқали “ТСТ cluster” МЧЖ қўшма корхонасига сотилсин ва олди-сотди шартномаси белгиланган тартибда рўйхатдан ўтказилиши таъминлансин.

3. “Мустақиллик пахта тозалаш” АЖ ва “ТСТ cluster” МЧЖ ўртасида “Мустақиллик пахта тозалаш” АЖ, “Беруний”, “Кетмон тепа”, “Дўстобод” пахта таёрлов масканларининг мулкӣ мажмуа сифатида сотиш бўйича тузиладиган олди-сотди шартномасига тўловлар қуйидагича киритилиши таъминлансин:

-мулкӣ мажмуа умумий қийматининг 20 фоизи яъни 5 618 352 156 сўмга олди-сотди шартномаси тузилгандан сўнг 1 ой муддатда;

-мулкӣ мажмуа умумий қийматининг 80 фоизи яъни 22 473 408 624 сўм (тенг миқдордаги йиллик тўловлар яъни ҳар йили 20 фоиз 5 618 352 156 сўмдан) шarti билан 2020, 2021, 2022 ва 2023 йилларнинг 31 декабрига қадар;


Ушбу тўғрисида “Тошкент минтақавий пахта терминали” МЧЖ ва “Ўзпахтасаноат” АЖга маълумот киритиб борилсин.

4. “Мустақиллик пахта тозалаш” АЖ ва “ТСТ cluster” МЧЖ ўртасида мулкӣ мажмуани сотиш бўйича тузиладиган олди-сотди шартномасини имзолаш ваколати жамият бош директори Ф.Артукметовга берилсин.

7. “Мустақиллик пахта тозалаш” АЖнинг мол-мулки сотилиши ҳисобига ҳосил бўладиган солиқлар ўз вақтида ҳисобланиб давлат бюджетига тўланиши таъминлансин.


Акциядорларнинг навбатдан ташқари умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи М.Қаюмов акциядорларга уларнинг иштироки учун миннатдорчилик билдириб, йиғилишни ёпиқ деб эълон қилди.

Йиғилишда раислик қилувчи:



М.Қаюмов

Йиғилиш котиби:



Б.Акбаров

Йиғилиш баённомаси 2019 йил 21 июн куни икки нусхада тузилди.